




ՀՈՎՍԵՓ ՕՐԲԵԼԻ

(Ծննդյան 70-ամյակի առթիվ)

Սույն թվականի մարտի 20-ին բոլորեց սովետական ականավոր գիտնական, հայագետ, կովկասագետ և արևելագետ ակադեմիկոս Հովսեփ Օրբելու 70 տարին։ Նրա կյանքն ընթացել է գիտա-ստեղծագործական և հասարակական գործունեության լայն ուղիով։ Մեծ և բազմակողմանի են Հ. Օրբելու վաստակները, հանրահայտ է նրա անունը։

Ավարտելով դասական գիմնազիան Թրիլիսիում, Օրբելին 1904 թ. մտնում է Պետերբուրգի համալսարանը և 1911 թ. ավարտում է նրա դասական ու արևելագիտական բաժինները։ Հովսեփ Օրբելին որպես գիտնական աճել ու ձևավորվել է ռուսական արևելագիտության այն նշանավոր միջավայրում, որի առավել աչքի ընկնող սյուներից էին ակադեմիկոսներ Ն. Յա. Մառը, Յա. Ի. Սմիռնովը, Ս. Ֆ. Օլդենբուրգը, Վ. Վ. Բարտոլդը, Ի. Յու. Կրաչկովսկին և ուրիշները։ Սկսած 1906 թ. մինչև 1914 թ. Հ. Օրբելին մասնակցել է Հայաստանի միջնադարյան նշանավոր մայրաքաղաք Անիի պեղումներին, որոնք կատարվում էին Մառի նախաձեռնությամբ և ղեկավարությամբ, բացառիկ նախանձախնդրությամբ ու եռանդով։ Այստեղ՝ Անիում էլ գրսևորվում են երիտասարդ Օրբելու գիտական ձիրքերն ու մեծ էրուդիցիան։ 1909—1911 թթ. հրատարակվում են նրա առաջին աշխատությունները, նվիրված գերազանցապես Անիին, որոնցով նա հաստատուն տեղ է գրավում գիտության մեջ, նախ՝ որպես հայագետ-կովկասագետ, ասլա և որպես արևելագետ։ Անի, Մառ, Օրբելի, այս երեք անունները մեր գիտակցության մեջ իրար հետ կապված են անխզելիորեն։

Օրբելին արդեն ճանաչված գիտնական էր և 1911 թ. Գիտությունների ակադեմիան նրան գործուղում է Թուրքահայաստան, ուր նա մինչև 1912 թ., մոտ մի տարի, գիտա-հետազոտական աշխատանքներ է կատարում Վանի, էրզրումի, Հին Բայազետի վիլայեթներում, ուսումնասիրելով ուրարտական, հայկական և սելջուկյան հուշարձանները, առանձնապես Աղթամար վանքը։ Այս գործուղման ընթացքում Օրբելին ուսումնասիրում է նաև Մոկսի բարբառը, քրդերեն լեզուն և Պետերբուրգ է վերադառնում իր հետ բերելով առատ նյութեր, որոնք Անիում հավաքածների հետ, միասին դառնում են նրա մի շարք գիտական հետազոտությունների աղբյուրը։

1914 թ. Օրբելին վերադառնալով Անիից, ստանձնում է Պետերբուրգի համալսարանի պրիվատ-դոցենտի պաշտոնը և սկսում է դասախոսություններ կարդալ հայոց պատմության, հնագիտության և էպիգրաֆիկայի վերաբերյալ։ 1916 թ. Ռուսական շնագիտական ընկերությունը Մառին և Օրբելու՝ գործուղում է Վան՝ ուրարտական մայրաքաղաքի ուսումնասիրության նպատակով։ Գործուղման արդյունքները գերազանցեցին սպասվածից, փայլուն եղան, մանավանդ, Օրբելուն բաժին ընկած հաջողությունները Պեղելով Վանա ժայռը Օրբելին հայտաբերեց ուրարտական Սարդուր 2-րդ թագավորի տարեգրու-



թյունները, որոնք գիտական մեծ արժեք են ներկայացնում և ընդարձակությամբ զիջում են միայն խորխորյան ուրարտական արձանագրություններին: Սարգսյան 2-րդի տարեգրության հայտնաբերումով Հ. Օրբելին խոշոր ծառայություն մատուցեց գիտությանը:

1917 թ. Օրբելին իր ուսուցիչների հետ միասին, առանց վարանման, ընդունում է Հոկտեմբերյան ռևոլյուցիան և որոշում ծառայել նրան: 1918—1920 թթ. Օրբելին, իրեն հատուկ մեծ եռանդով, գիտական և կազմակերպչական մեծ գործունեություն է ծավալում, զբաղեցնելով Պետերբուրգի Արխեոլոգիական ինստիտուտի ասիստենտի, ասպ դասախոսի, Մոսկվայի կադրյան ինստիտուտի պրոֆեսորի, Պետերբուրգի թանգարանային խորհրդի գիտնական քարտուղարի, Արվեստի պատմության ինստիտուտի պրոֆեսորի պաշտոնները: Նա խոշոր մասնակցություն է ունենում կադրյան ինստիտուտի վերակառուցման, Ռուսական Նյութական կուլտուրայի ակադեմիայի կազմակերպման աշխատանքներին: 1919 թ. օգոստոսից, Օրբելին ընտրվում է այդ ակադեմիայի անդամ, ասպ և նրա գիտական քարտուղար: Օրբելին խոշոր մասնակցություն է ցուցաբերում Սովետական երկրի կուլտուրական շինարարությանը, Սովետական իշխանության առաջին տարիներից սկսած:

Հովսեփ Օրբելու գիտա-կազմակերպչական գործունեության մեջ ամենից ավելի աչքի է ընկնում նրա աշխատանքը աշխարհի շորս խոշորագույն թանգարաններից մեկը հանդիսացող Պետական էրմիտաժում, սկսած 1919 թ.: Տարիների ընթացքում նրա ղեկավարությամբ ստեղծվում է էրմիտաժի Արևելքի բաժինը, որն ինքնին մի հսկայական թանգարան է, նվիրված Արևելքի պատմությանն ու կուլտուրային: 1934 թ. մինչև 1951 թ. Օրբելին վարել է Պետական էրմիտաժի գիրեկտորի պաշտոնը, մեծածպես նպաստելով այդ մեծ թանգարանի աճմանը, նրա անգնահատելի արժեքների պահպանմանը և գիտական կադրերի պատրաստմանը:

Հովսեփ Օրբելու գործունեությունը Պետական էրմիտաժում, առանձնապես Արևելքի կուլտուրայի՝ այստեղ կուտակված հսկայական նյութերի ուսումնասիրությունն ու կուլտուր-պատմական սիստեմատիզացիան հսկայական գիտական նշանակություն ունի, որը դժվար է գերազնահատել:

Հովսեփ Օրբելին հայ ժողովրդի հետ կապված է ոչ միայն ծագումով, Անիում կատարած աշխատանքներով և իր գիտական ստեղծագործություններով, այլև իր խոշոր ծառայություններով Սովետական Հայաստանի գիտության և կուլտուրայի բարգավաճման գործում: Հովսեփ Օրբելին հմտորեն ու մեծ էրուզիցիայով է ղեկավարել ՍՍՌ Միության Գիտությունների ակադեմիայի Հայկական ֆիլիալը (1938—1943) և որ ավելի անմոռանալի է, Հայրենական պատերազմի տարիներին Հովսեփ Օրբելին Հայկական ՍՍՌ Գիտությունների ակադեմիայի կազմակերպողներից մեկը եղավ և որպես նրա առաջին պրեզիդենտը ղեկավարեց ու հաստատուն հիմքերի վրա գրեց նորաստեղծ Ակադեմիայի աշխատանքները 1943—1946 թթ.:

Ակադեմիկոս Հովսեփ Օրբելին ունի 70-ից ավելի գիտական աշխատություններ, որոնց մեջ հայագիտական, կովկասագիտական և արևելագիտական հարցերը քննության են առնվում դարմանալի խորությամբ, Առաջավոր Արևելքի ժողովուրդների պատմության և կուլտուրայի ընդարձակ կապակցությունների մեջ: Քննարկվող պատմական էպոխան լուսարանվում է իր հասարակական հարա-

բերութիւններով, կուլտուր-պատմական ընդհանրութիւններով և առանձնահատկութիւններով։

Օրբելու բազմակողմանի և բազմաբովանդակ աշխատութիւնները կարելի է բաժանել երեք խմբի։

Առաջին և ամենաստվար խումբը (36 անուն) կազմում են Հայաստանի, Անդրկովկասի և Մերձավոր Արևելքի նյութական կուլտուրային և արվեստին նվիրված ուսումնասիրութիւնները։ Նյութական կուլտուրայի հուշարձանները Օրբելին քննության է առնում իբրև արդյունք հասարակության պատմական զարգացման որոշակի աստիճանի և բարդ կապակցութիւններով հարուստ կոնկրետ միջավայրի։ Միաժամանակ նա ցույց է տալիս կուլտուրայի զարգացման առանձնահատկութիւնները, բազմազան կապերն ու հարաբերութիւնները, ըստ որում, կուլտուրայի զարգացման ազգային և դավանաբանական հատկանիշների ու սահմանների դերը ավելի ստորադաս է սոցիալ դասակարգային հատկանիշների ու սահմանների խաղացած դերի նկատմամբ։ Ահա այս է կազմում Օրբելու հետազոտության կուլտուր-պատմական մեթոդի էությունը։ Այս դիրքերից էլ Հովսեփ Օրբելին սուր քննադատության է ենթարկում պանիսլամիզմը, որը իսլամը դավանույ բազմաթիվ երկրների կուլտուրան դիտում է իբրև մի միասնական ամբողջութիւն և որը միաժամանակ ժխտում է «Արևելքի կուլտուրան հակադրում է քրիստոնեական Արևելքի կուլտուրային»։ Նա քննադատում է պանիրանիզմը, որը Մերձավոր Արևելքի մի շարք երկրների կուլտուրաները լուծում է իրանականի մեջ կամ քննարկում իրանականից կրած ազդեցութիւնների տեսանկյունով։ Օրբելին քննադատելով «սելջուկյան կուլտուրայի» տեսութիւնը, եզրակացնում է, թե այդ կուլտուրան իրոք սելջուկյան-թուրքական չէ, այլ ստեղծվել է պատմական և սոցիալական որոշ պայմաններում՝ իրանա-կովկասյան կուլտուրական հիմքի և այս երկրները հեղեղած անդրկասպյան ժողովուրդների ճաշակի սինթեզով, ըստ որում, ստեղծագործողները լեզան տեղական ժողովուրդները, իսկ սելջուկները նոր պայմաններում զարգացող այդ կուլտուրայի խմորողի դեր խաղացին։ Տեսական այս հարցերի քննարկումը, որը կատարել է Օրբելին իր աշխատութիւններում և 1935 թ. Լենինդրագում գումարված իրանական հնագիտությանը և արվեստին նվիրված միջազգային կոնգրեսում կարգացած զեկուցման մեջ, ընդհանուր արևելագիտական խոշոր նշանակութիւն ունեն։

Օրբելու աշխատութիւններն ու հողավածները, նվիրված կոնկրետ հնագիտական նյութերին կամ արվեստի ստեղծագործութիւններին, զարմացնում են իրենց խորությամբ, պատմական հարցերի և նրանց կապակցութիւնները ընդգրկումով։ Նա նյութական կուլտուրայի հուշարձանը քննարկում է պատմության, կուլտուրայի, լեզվի, գրականության, ժողովրդական բանահյուսության և ազգագրության ընձեռնած բազմակողմանի տվյալների լույսի տակ, տալով ուսումնասիրության այս կոմպլեքս մեթոդի կիրառման ցայտուն օրինակներ։

Նյութական կուլտուրայի և արվեստի պատմությանը Օրբելու նվիրած աշխատութիւնների շարքում Անիին, Ամբերդին և իրանական կուլտուրային ու արվեստին, մասնավորապես սասանյան գեղարվեստական մետաղագործությանը վերաբերող աշխատութիւնների կողքին, առանձին տեղ է զբաղում նաև



Աղթամարի հուշարձաններին նվիրված ընդարձակ մենագրությունը, որը հրատարակության է պատրաստվում:

Հովսեփ Օրբելու աշխատությունների երկրորդ խումբը կազմում են հայերեն վիմական արձանագրություններին վերաբերող գործերը: Սրանք ևս ունեն բացառիկ արժեք: Օրբելին ոչ միայն հավաքել է հարյուրավոր հայերեն արձանագրություններ, այլև մշակել է դրանց գիտական վերծանության, մեկնարանության և հրատարակության սկզբունքներն ու մեթոդները: Լույս ընծայելով 13 հայերեն արձանագրություն, Օրբելին մշակեց հայերեն հատուկ էպիգրաֆիկ շրիֆտ, որով պետք է հրատարակվեին հայերեն արձանագրությունների իր նախաձեռնած ժողովածուները՝ կորպուսը:

Հայագիտության համար խոշորագույն նշանակություն ունեցող այդ գործը վերսկսված է և այժմ հրատարակության հանձնելու համար պատրաստվում է Անիի և շրջակայքի արձանագրությունների՝ Օրբելու կազմած ժողովածուն:

Մեծավաստակ գիտնականի աշխատությունների երրորդ խումբը կազմում են նրա բանասիրական, լեզվագիտական և գրականագիտական աշխատությունները (թվով 20-ից ավելի): Այս բնագավառում ևս հեղինակի գործերը աչքի են ընկնում ընդգրկման լայնությամբ, ուսումնասիրության թափով և գիտական ընդհանրացումների ուժով: Հայկական տեքստերի հրատարակություն և նրանց մեկնաբանություն (Անանիա Շիրակացու «Հարցումն և լուծումն»), հայ և վրաց գրականություն (միջնադարյան հայկական առակներ, Շոթա Ռուսթավելու ստեղծագործության գնահատությունը), հայերեն և քրդերեն լեզու և ժողովրդական բանահյուսություն — ահա Հովսեփ Օրբելու հետաքրքրության շրջանակները այս ուղղությամբ: Նա ոչ միայն տվեց նոր խոսք ասող նշանավոր գործեր նաև այս բնագավառում, այլև իր աշխատություններով ու գործունեությամբ նպաստեց հայ, վրաց և քրդական գրականության ու ժողովրդական բանահյուսության ժողովրդականացմանը: Այս տեսակետից բացառիկ նշանակություն ունեցան Լենինգրադում Շոթա Ռուսթավելու 750-ամյակի և Երևանում Սասունցի Դավիթ ժողովրդական վեպի 1000-ամյակի կազմակերպման ու անցկացման ուղղությամբ նրա գործադրած ջանքերը, գիտական խոշոր ընդհանրացումներով զրկած աշխատությունները, հոետորական մեծ ձիրքով ու վարպետությամբ կարդացած բազմաթիվ գեկուցումները:

Մեծ հմտությամբ է նրան հաջողվում վեր հանել հայ և հարևան ժողովուրդների կուլտուրայի, գրականության, բանահյուսության և ավանդությունների էությունը, գտնել նրանց դարավոր արմատներն ու շերտավորումները, արժեքավորել դրանք և մտքի ո՞րպիսի թռիչքով, խոսքի ո՞րպիսի պատկերավորությամբ ու պաթոսով:

Հայրենական պատերազմի տարիներին Օրբելին իրեն դրսևորեց որպես խոշոր բաղաբացի, աչքի ընկնող դեր խաղալով Պետական էրմիտաժի և ՍՍՌԿԳիտությունների ակադեմիայի՝ Լենինգրադում գտնվող մյուս հիմնարկների թանգարանային և գրադարանային արժեքների պահպանության գործում: Անմոռանալի են նրա գեկուցումներն ու ելույթները գինվորական մասերի, բանվորական կոլեկտիվների առաջ, Դովկասի պաշտպանությանը նվիրված միտինգում և Նյուրնբերգյան դատավարության ժամանակ:

Ականավոր գիտնական, տաղանդավոր կազմակերպիչ և մեծ քաղաքա-

ցի, ահա թե ինչպիսի եւյակ միասնութիւնն է անձնավորում ակադեմիկոս Հովսեփ Օրբելին:

Սովետական հասարակայնութիւնը՝ և կառավարութիւնը բարձր են գնահատել Օրբելու ծառայութիւնները: Օրբելին ՍՍՌՄ Գիտութիւնների ակադեմիայի իսկական անդամ է 1935 թվականից, Հայկական ՍՍՌ Գիտութիւնների ակադեմիայի իսկական անդամ՝ 1943 թվականից: Իր գիտական և գիտակազմակերպական գործունեության համար նա պարգևատրվել է Լենինի շքանշանով, Աշխատանքային Կարմիր դրոշի երկու շքանշանով ու մեդալներով:

Օրբելին լայնորեն ճանաչված է նաև արտասահմանում: Նա պատվավոր անդամ է Իրանի Ակադեմիայի և Թեհրանի համալսարանի, Անտիկվատների լոնդոնյան ընկերության: Անդամ-խորհրդատու է Իրանական արվեստի ուսումնասիրության Ամերիկյան ինստիտուտի: Նա հանդիսանում է իրանական արվեստի միջազգային յոթ հատորյա կապիտալ հրատարակության խմբագրական կոլեգիայի անդամ:

Ցանկանք մեծավաստակ և ականավոր գիտնականին քաջառողջութիւն, բրկար կյանք ու բեղմնավոր աշխատանք, ի փառս սովետական գիտութիւն: